

Cicirinedda

Cicirinedda avia nu cani

chi muzzicava li Cristiani
iè muzzicava la fimmina bedda
chistu è lu cani di Cicirinedda

Cicirinedda avia 'na mula
chi la tinia na stadda sula
iè ci accattau brigghia e vardedda
chista è la mula di Cicirinedda

Cicirinedda avia 'na spata
iè la tinia menzu la strata
e ci la resi a la viddanedda
chista è la spata di Cicirinedda

Cicirinedda avia 'ncurduni

e lu tineva fora 'o barcuni
e ci lu resi a la munachedda
chistu è u curduni di Cicirinedda

Cicirinedda avia na crapa
chi manciava comu 'na lapa
e la tinia 'nta la vanedda
chista è la crapa di Cicirinedda

Cicirinedda avia 'nviulinu
e lu tineva attaccatu a 'ncurdinu
e ci lu resi a 'na urfanedda
chistu e' u viulinu di Cicirinedda

Cicirinedda avia 'nu gigghiu
e ci lu resi a 'nu beddu figghiu
lu beddu figghiu spusau a Nedda
chistu è lu gigghiu di Cicirinedda

Cicirinedda avia 'nlinzolu
e ci lu rrubbò nu mariolu
ca cci lu resi a la fimmina bedda
chistu è u linzolu di Cicirinedda.

